



kat.komp.

17077

I

Mag. St. Dr

P

Pascii Nicolai Fructus laboriosae virtutis ha-
nos, sub tempore inaugurationis Joannis
Stokowski.

PANEG. et VITAE

Poleu. 4^e

M 950.



FRVCTVS
LABORIOSÆ
VIRTVTIS
HONOR.

Sub tempus

INAVGVRATIONIS

Illustris Magnifici & Generosi Domini

D. IOANNIS

à STOK

STOKOWSKI.

I N

I V D I C E M

ZATORIENSIS & OSVENTIMENSIS

DVCATVVM.

Metris Lyricis

D E C L A R A T V S.

à NICOLAO PASCIO, Pleb. in Marciporemba,

Anno Regnantis à ligno DEI 1680. Iphis idibus Iunij.

CRACOVIAE, In Officina FRANCISCI CEZARI, s. R. M. Typ.

Pascio

In
Gentilitium Insigne
Illustrissimæ Domus
STOKOVIANÆ.



17077 I

Seu fuit Arcadius, cui hæc collata fuerunt
Arma, seu fuerat DRZEWICA Procopius
Vltus vterq; fuit Stellis, & lumine Lunæ,
Vltus in hostiles, noctes, doloq; globos.
Hinc Lunâ, & Stellis ornatus vterq;, perennem
Cum tota laudem posteritate refert.
Ex horum Illustres descendunt stirpe STOKOWSCI.
Hiscè modis pugnant, hiscè trophæa ferunt.



ILLVSTRISSIMO DOMINO,
D. PAVLO
à STOK
STOKOWSKI.

Castellano Osuentimensi

Senatori Regni Poloniae, Dignissimo Domino
& Patrono Obseruandissimo Salutem &
perennem felicitatem.



*Ræclarè sanè Ethicum illud, licet E-
thnicum, a Platone videlicet primum, de-
indè ab Eloquentiae parente Tullio usurpa-
tum. Illustrissime Domine Domine & Pa-
trone Amplissime. Virtus, inquirunt, si oculis Corporeis
cerneretur, mirabiles amores in mentibus hominum ex-
citaret. Diuina profectò, & magis Corde Christiano,
quàm marmore Pario sculpenda sententia! Licet au-*

tem Virtus, ipsa per se videri nequeat, illos tamen, qui eâ præditi sunt, videri vel maximè facit; ad instar Gygis illius Lydij, de quo ex eodem Platone idem Cic. lib. 3. Offic. Cum terra, inquit, discessisset magnis quibuldam imbribus, in illum hiatum descendit, æneumq; Equum animaduertit, cuius in lateribus fores essent, quibus apertis, hominis mortui vidit Corpus magnitudine inusitatâ, annulumq; aureum in digito, quem vt detraxit, ipse induit, erat autem Regius Pastor: tum in Concilium Pastorum se recepit; ibi cum palam eius annuli, ad palmam Conuerterat, à nullo videbatur, ipse autem omnia videbat; idem rursus videbatur, cum in locum annulum inuerteret.

Simile quid de virtute affirmare possumus, quæ tametsi oculis Corporis, vt res incorporea, videri nequaquam possit; eos tamen, quos splendoribus suis illustrarit, tantò spectabiliores, amabilioreq; efficit, quantò magis se in eorum mentes infuderit, atq; per mores, gestus, & actiones, tanquam radii solares, in apertum sese effuderit, sensibus etiam Corporeis spectandam, ne dum animo Concipiendam. Hinc Principes illi, Reges, Duces, & Monarchæ, qui sapientia, fortitudine, iustitia, bonitate, munificentia, humanitate, atq; aliis virtutibus excelluerunt, in maxi-

mo omni-

mo omnium amore, & deliciis habebantur. Hinc
Augustus, Traianus, Titus, Vespasianus, atq; alii cla-
rissimi Romanorum Imperatores, omnibus omnium
Ordinum hominibus, adeo cari, & amabiles exstite-
runt, ut singuli eorum, amor mundi, & deliciae huma-
ni generis cognominarentur. Talem ego Amplissimam,
Nobilissimamq; Domum Tuam video Illustrissime Do-
mine. Cuius Herdēs à DRZEVICIIS Orti, &
ex diuisione diuersorum bonorum, diuersas cognomina-
tiones sortiti, illud singulare, cum Gentilitia Luna sua,
& Stellis, per tot annorum spatia, firmā stabilitate re-
tinuerunt, quod cum antiquitate Domūs, ornamenta
Posterorum effecti, nemini dictis, vel factis nocuerunt.
Et ad Generosam Indolem, exterarum quoq; nationum
peritiam in Politia, & Scientia militari addiderunt,
Collectisq; Virtutum studiis, in aulis Regum & Impe-
ratorum exstiterē Dignissimi, Doctissimi, gratiosissi-
mi; in cruento autem Palladis campo Bellatores glorio-
sissimi. Talem Te ipsum Illustrissime Domine agnosco.
In cuius corde, Virtutem omnium bonorum Matrem,
domicilium fixisse animaduerto; quæ dum se per actio-
nes Heroicas, & tanto Senatore dignas, per gesta, &
præclare facta, ac per ipsa Corporis lineamenta in toga
& Sago, publicè exserit omnium amorem, tanquam
Magnet ferrum, Pantarbes aurum, ad se trahit. Tra-
hit ad se amorem Cleri, qui Te immunitatum suarum

Patronum

Patronum & Defensorem, tanquam Roma alterum
Camillum agnoscit. Trahit amorem Ciuium, qui Te
in componendis variis causis, & controuersis Arbi-
trum exposcunt. Trahit amorem Senatorii Ordinis,
qui Tuam in Comitibus, & Conuocationibus publicis sum-
mam sapientiam, & Suffragiis pro Republica ferendis
singularem prudentiam lubens acceptat. Trahit amo-
rem Serenissimorum Regum. Et in primis VLADIS-
LAI IV. & IOANNIS CASIMIRI, quorum
alter prerogatiua Vexilliferi, alter Castellani Osuenti-
mensis Te ornauit; quibus in Officiis, ita Te gessisti &
geris, ut omnium amorem mereare IOANNIS
quoq; TERTII feliciter regnantis, singulare amoris
in Te exstat argumentum. Dum enim nuper, (ut alia
transeam) post defunctum piae memoriae IOAN-
NEM PISARZOWSKI Iudicem Terre-
strem Zatoriensem & Osuentimensem sella ludiciaria va-
caret, Consentiente liberè Vniuersa Ducatum horum,
Nobilitate (quod sine Suffragio, & Auctoritate Tua
facere non potui) Virum dignissimum, & Virtutum Tu-
arum supparem IOANNEM à STOK STO-
KOWSKI, Germanum Tuum Collatorem meum,
ad id Officium pro dignitate obeundum sapientissimus
Princeps Te instante elegit, & promouit. ac Priuilegi-
um huius prerogatiuae, non pretio, sed prece Tua ex-
tradi mandauit. O pulchra, & honesta, ac legitima

Virtutis

Virtutis pramia! Sic Lucius quondam Philip-
pus V. Fabii filius, magno Vir ingenio, inprimisq; clarus gloriari solebat, se sine villo munere adeptum esse omnia quæ haberentur amplissima. Malè enim se res habet, cum quod virtute effici debet, id tentatur pecuniâ. Itaq; eos Viros suspiciunt, maximisq; efferunt laudibus, in quibus existimant se excellentes quasdam, & singulares Virtutes perspicere. *Hæc toties memoratus Cic. lib. 2. Offic.* Quæ volumina eius ediscenda, non modò in manibus quotidie habenda, *Vespasianum Imperatorem censuisse, Plinius in Prologo Nat. Hist. est testis.* Quid restat? In applausum & aggratulationem obtentæ huius Dignitatis Carissimo Germano: Tuo Illustrissime Domine hæc breuiuscula, dicam leuiuscula attuli, amore, & gratitudine beneficiorum deumctus. Quam meam qualis qualis est opellam, Illustrissimæ Celsitudini Tuæ offero, corrigendam magis, quàm legendam, ut quod erroris est, pro Tuâ insigni Sapientia emendes, quod amoris accipies.

Vivite

*Viuite ó inclyti DRZEVICII STO-
KOWSCII inquam felicissimi, & allucente
Æterno Sole Luna Vestra & Stellis, Lucete Ec-
clesia, Regno, Regi, Patriæ Prosapia in perpetuas
æternitates, lucete & mihi fauore & gratia perenni,
quod vnicè voueo & precor.*

Vester

Humillimus Seruus & coram
D E O

Exorator indignus

NICOLAUS PASCIVS,
Pleb. in Marciporemba.

FRV-

FRUCTVS LABORIOSÆ
VIRTVTIS HONOR,
ODE Tricolos Tetraastrophos.

PÆnis ut æquis corripit improbos
Rhamnufis ausus: Sic Themis æquior
Virtutibus laboriosis
Distribuit meritos honores.
Hinc Eruditis, & Sapientibus
Ereclæ in altum sunt Statuæ Viris.
Vestamq; Vestalesq; prisca.
In superos retulit vetustas,
Votoq; tonsam Berenices comam,
Ob cædem & extinctam Erigonem Patris,
Cœlis & Astræam receptam
Terrigenûm vitilis fugatam.
Hinc vecti ad urbem curribus aureis,
Pardis, & vrsis, atq; Leonibus,
Victis ab hostibus Strategi,
In mediis reduces triumphis.
Hinc purpuratæ Pontificum Mitræ,
Ducum Tiaræ, Sceptraq; Regia
Hinc SCVTA sunt SOBIESCIOIVM
Antè Equitum, modò facta Regum.
Hinc Topororum peruetus ASCIA
Et HASTA Triplex SARIA, FLVMINA
SRENIAWIORVM, peruerustus
Et STARIKONIADVM CABALLVS.

B

Hinc

Hinc GOZDAVARVM candida LILIA,
 Et DOLIVARVM Tergeminæ ROSÆ,
 Flammæsq; ructantes hianti
 Ore PLOMENSICIADVM LEONES.
 Hinc arma CERVI tensa BIBERSTEIN
 SCVTVMq; SCHILLING cum TILIÆ Comis.
 CRVCESq; IASTRZEBECIORVM
 Cum SOLEIS, BNINIÆq; NAVES.
 Hinc MVCRO quassus NOVINIÆ domus
 Ahenæ anæ de super in cubans,
 BOGORIDVM, ODROVANZIDVMq;
 TELA, KRASINSICIADVMq; CORVI.
 Hæc inter, & tot millia Stemmatum,
 Quæ sunt virorum præmia fortium,
 STOKOVIANA cum duabus,
 LVNA nitet radiata STELLIS.
 Cur Luna? Nam ceu lumina fulgidi
 Post clara Solis Cynthia promicat,
 Suasq; virtutes in imæ
 Influit inferiora terræ,
 Præ cæterorum lumine siderum.
 STOKOVIORVM sic Domus inclyta:
 Et Lechicum Collustrat orbem
 Præ reliquis patriæq; prodest.
 Stellas quid inter? Nam variabilis
 Sit Luna quamvis, Sidera cum tamen
 Locatur inter fixa, & ipsa
 Fixa manet, stabilisq; semper.
 Ad astra versis cur queq. Cornibus
 Niti videtur? Nam velut optimis
 Parnassus in fessis Camænis
 Verticibus petit astra binis.

STOKO.

STOKOVIANI dextera Sanguinis
Sic astra spectat, sic petit æthera,
Domi forisue siue Castris
Siue Sacris operetur aris.
Troianus olim qualis Equus virum
Turmas Pelasgum fuderat in Phrygas:
STOKOVIANÆ sic phalanges,
In varios glomerantur hostes.
Quis credat? extunc dum fera prælia
Cum Tauri canis, atq; Rebellibus,
Moschisq; , Suecisq; & Gelonis,
Hostibus atq; aliis geruntur,
Vno trecentos vt Fabios die
Triginta plures ense STOKOVIOS
Ferroq; Martis in Cruento,
Palladis occubuisse Campo.
Quos PAVLVS inter Signifer antea,
Osuentimentis atq; Zatorii,
Nunc verò Castellanus Orbis,
Signa tulit, validumq; dextra
Mauortiali strinxit acinacem,
Mauortiali strictus, acinace,
Huc usq; Circumfert petito
Stigmata non moritura vultu.
Præclara tantæ progenies Domus,
STOKOVIANI gloria Sanguinis
Incorporati Præco VERBI
Grande cui dat habere nomen.
Nomen Monarchæ, qui modo Lechiæ.
Dat iura, Fratrem Frater amabilem,
Chironem Achilles æmulatus
Tu quoq; mente pari, graduq;

Secutus

Secutus æquo, Phemonoen colis,
Primis ab annis, discis Apollinem,
Suadamq; Stoamq;, & profunda
Stagirei monumenta Circi.

Mox arma tractas belligerâ manu,
Silens omitto Pilauccensia.

Ducumq; Castrorumq; tristi
Iugera nobilitata strage.

BERESTECENSES, Sanguine proprio
Quos purpurasti, non equidem decet
Silere Campos. Luctuosa

Quæ video? voco gloriosa,
Sed æquiori nomine vulnera;
Hoc illa nuper nomine Præfulum,

Decus TRZEBICIVS vocavit,

Vnde Tibi, decus in perenne,
Plus gloriæ, quam Sanguinis exit.

O plena veræ vulnera gloriæ,

Quæ non ab argento, nec auro,
Sed meritis, solidaq; manat

Virtute! Nempe hæc STOKOVIAE Domus
Lux, ô IOANNES, Iudiciarios

Quos iam capeffis, cum perenni

Laude Tibi peperere Fasces.

Capeffe felix, Iudiciarios

Capeffe Fasces, Iudicium feras

Vt iustus inter fas nefasq;

Cum Solymo Sapiente Iudex.

Ad plenam honoris sic Tuâ Cynthia

Affurgat Augem. Iustitiæ Tibi

Sic luceat Sol æternus

Detq; novos sine nube Soles.

FINIS.

BIBLIOTHECA UNIV.



JAGELLONICAE

St. 1. 1. 1.

Biblioteka Jagiellońska



stdr0019509

